

摘藻堂四庫全書薈要

集部

欽定四庫全書薈要卷一萬五千三百四十三

集部

景适生集卷六

宋 晁以道 撰

近體詩

秋陰

極目秋陰好遙空見故鄉
可堪高葉病無賴晚花香
枕靜泉聲細簾疎風影長
肯教容易雨吟興動何郎

和斯立夜校試卷呈同舍十二韻

校藝來從魯聞韶昔在齊
幸容葭倚樹驩會食甘藜
禮

數延文士雄豪動武奎嚴凝池上雪燦爛谷中霓喜見
雙頭錦爭求獨角犀化金思點竈畫酒願分篋氣壯如
觀海言危擬去梯且思竭馬力焉敢效牛蹊蕭統聞香
臭劉郎善品題鈇黃方宴集風雨惜分攜永遣愁城破
休教眉宇低尸鄉吾自樂歸去逐羣鷄

再和資道

佳山陪四絕名士出三齊芬馥生蘭茝荒蕪去藁藜光
華深北斗氣象到西奎靜思如含露揮毫若吐霓美求

鮮鯉鱠珍訪辟塵犀出衆青錢士翻經白玉篋高張射
鵬手穩步上天梯吾友由斯道狂生不識蹊淮南書有
作謂斯商隱賦無題謂資慷慨簪頻擊吟哦手屢攜寒
廳簾帶淺深夜笑言低慎莫嘲雕虎從來學木鷄

再和

何事謝玄暉臨巒且悵齊想非逢錦綉應祇見蒿藜今
日三千牘昭天十六奎煌煌鳴佩璐燦燦動旌霓服衆
稱擒虎超羣許拔犀品輕龍尾硯時樣鳳頭篋棄若文

公席危如墨子梯只宜馳大路爭可訪幽蹊我亦慙強
韻君能出巨題笑言容委曲良宴幸招攜黃菊開應滿
清霜厭莫低誰人傾魯酒更復噉韓雞

和斯立重賦

是非真未定楚客莫咻齊侈美珍忽鼈麕疏鄙飯藜評
文歸藻鑒得寶應參奎蕭洒裛塵雨清明避日霓露華
鳴老鶴月兔射靈犀儒雅元簪筆風流且帶篋辛勤無
黑突騰躍有丹梯自顧迷轅駕焉能識路蹊從容闕谷

集酹唱漢江題好是頻徵策相看便解攜塵埃隨日起
窮悴使人低桀犬驚堯犬家鷄笑野雞

和資道登岱頂回

藹藹天孫作曉嵐為嫌俗骨遣教還仙兒墮處真堪惜
只在含眸一笑間

近作小池頗野意日晚臨流吟柳渾獨不見慨
然有作

無波枉渚若堪凭白露青蘋更可陵過盡秋風獨不見

此時腸斷柳吳興

十月初七日入郡塗中作

棄臣悠悠朱墨筆彫年忽忽道塗衣博崔趙李久寂寞
乙馬甲班誰是非

覽冀亭榴花

長夏清江倚碧岑人間塵土莫相侵榴花不得春工力
顏色何如桃杏深

寄侍講呂原明七丈

悠悠客子京華遠只把清秋淚濯纓黃葉風前身亦老
白雲影外世還輕書來舊德知無恙夢斷疎鐘恨有情
昔日諸生今不在丈人因為話平生

說之昔教符離諸生丈人曾寄寓彼

讀韓退之詩有作

萬樹殘英委泥滓柳花成絮獨高飛自憐纖質無人賞
宛轉還從洛浦歸

贈吳僧

驅馳疲朔馬邂逅見吳僧便覺秋容淨彌憐客恨澄青

山尋舊賞白社語新燈他日扁舟去儂家一笑能

狂風

十日狂風不偶然未教桃李鬪嬋娟
關西將士曾如此直入齊宮斬小憐

次韻答澗上丈人見寄

丈人一別今何闊菊雨蘭風自歲年
茅屋歸來思叙舊繩床老去不談禪
世無孔子徒為爾今媿孫登重惘然
幸有陽城山水在更留佳處待黃緣

和陳叔易見寄

終日焚香卻伴暑只此於君媿典刑
莫怪懃懃問元朗此心要自渴滄溟

次韻澗上丈人見寄

有懷南澗老月冷夢魂賒烟閉金丹竈
雲迷玉斧家高雲嗟縹緲醉墨喜傾斜
明日秋風起愁看菊蘂花

再和班字三首

丈人在何許箕外潁中間明映波心月
清餘雨面山短

衣非舊甯陋巷是今顏不解
湟州去平超十八班

梁武帝分

百官十

八班

公來前有約更望少微間
爛醉新醅酒能忘舊隱山
瓊

瑤雖並質塵土會彫顏
永夜陶陶語令人愧尹班

尹敏班彪

廣絕交論云尹

班陶陶於永夜

高躅人難解當求古哲間
韓康多在市陶令懶游山
念
我可憎面無兄得解顏
公乎來早晚荆坐要須班

次韻久雨甲子日喜晴之作

愁霖開霽忽今朝
摩撫為魚鱗
甲消竈下黽蛙歸枉渚
簷邊雲霧起叢霄
已驚病眼能明朗
更喜新詩慰寂寥
莫把陰晴論甲子
請從根本問黎苗

聞叔易隱居被召二首

亡一

處士何人為作牙
盡攜猿鶴到京華
故山巖壑應惆悵
六六峰前只一家

雨霽聞溪流作

山前霖雨霽
流水興何長
曲澗通蘭若
餘音到草堂
龍

鱗應已備魚尾得令狂奏凱入關陣尋仙泛海航月添
波蕩漾風共影瀰茫不作羈臣淚明朝酒復常

峻極上院

山下青春已歸百花山上正芳菲人間顏色易零落
百萬千年雲錦衣

節孝處士徐先生

積字
仲車

莫怪先生身上貧眼看外物似浮雲房中除卻琴棋後
更有門前鶴一羣

政和元年正月一日

元年元日日甲子徒自漢歷來有三總把皇恩調玉燭

今朝獨更覺春酣

東漢元魏皆是正月一日甲子與今凡三

癸未歲余與開封解安行同知定州外縣赴二

帥上元之集今辛卯明州燈夕公會上見邸

報解以大夫知嘉州感舊作寄

伊昔中山勝事賒初當三五便開花君能選色沉醉倒
我自傷心深感嗟聚散十年逢節序窮通百態各天涯

使君綺席誰同樂莫遣燈花照鬢華

予與解同歲

早春

日日江頭騁望頻東風去歲舊相親
庾郎欲作披香賦未有花開未是春

聞四明人不喜鞦韆因作

思歸未得恨深年時節清明最可憐
越女腰支勝趙女平生不敢賽鞦韆

愁

雲暗花寒春在否
烟波漠漠不禁愁
此愁肯逐楊花散
常與幽人種白頭

無柰愁來欲解攜
春光何事亦如迷
只應自有人行樂
枉是多情王會稽

寒食書事

冷官不易逢寒食
海角風霜剩作寒
杏粥榆羹渾不見
蓬池春色夢中看

戲作

終日一杯終日醉看潮初見看潮回自疑前世陶貞白
乘興閑遊鄮縣來

昏昏

昏昏非所志忽忽是何時客恨潮聲起春愁柳色知何
煩連日雨要劇故鄉思自顧囊中術黃金未可為

有感

日日蒼黃出畏塗自憐何事得虛除天教豺虎露齒爪
好是哥奴不讀書

南渡

西渡幾回送客春風今日思家我亦歸期可數休言此
是天涯

予今春多入城戲作村裏來絕句村裏來是蛺
蝶名滕王所畫者

蝴蝶催花一夜開卻愁春盡重徘徊我身亦使滕王恨
日日隨渠村裏來

依韻和蔡天啟任四明絕句三首時暫來四明便

還丹陽頗不樂此後篇為四明解嘲

行盡三江失所誇便教信美豈吾家卻回揚子江頭去
看種瓜洲子母瓜

真隱閑從鄮縣來三山仙藥眼中開此身自有華陽洞
肯學東陽歎老槐

未識涼風寶殿西寧驚海角有遺黎玉笋無日嘗瑤柱
金馬何人賞木犀

二物明
州之妙

見諸公唱和暮春詩軸次韻作九首

唱首是鄮
掾子平

何處留春意歌殘燭半紅
柳斜雙舞破花落獨書空
欲作經年別先驚昨夜風
烏衣多勝槩此際恨難窮
那識春將暮山頭躑躅紅
潮生芳草遠鳥滅夕陽空
烏賊家家飯槽船面面風
三吳窮海地客恨極難窮
歎惜芳菲盡香腮越女紅
簾垂啼鳥散鏡掩舞鸞空
梅短嬌含雨萼絲懶倚風
高歌君輩在老子奈途窮
留春留不得怯去舞衣紅
那惜河陽暮唯驚洛浦空
丹成人奔月金就鶴乘風
此恨何能已虛郎百計窮

五字留春句如開蜀錦紅幽香知不滅宿恨望來空婉
婉能揮日綢繆擬割風江淹方思苦慎莫道才窮

春殘留幾日越女笑蠶紅江盡愁何盡牀空夢不空驚
多知近海蝶少為饒風底事吟詩健吟詩正待窮

芳草搖輕碧薔薇著小紅肯嫌桃葉薄

王家事

只恨柳枝

空夢斷三千里愁生五兩風四時顧家好作底却言窮
上苑羣芳外婆羅二月紅妖饒秦女妬淡蕩越江空敢
夢鷓鴣侶徒披草木風傳家綳帙在百巧愧千窮

令公頭皓白執拂妓殷紅綺席千觴醉芳塵一夕空顛
狂援北斗飄蕩怨東風得意傷春甚癯儒況路窮

秋日有感因誦王元之送文元公詩云追思元
白在江東不似晁丞今獨步之句戲作

三吳山水喜秋風白蟹青蝦角水東獨步晁丞孫子到
誰憐憔悴衆人中

引俾宣事惠詩六首過有褒稱且及其叔子文
之舊輒次韻為詩

白髮蕭條到海濱
秋風邂逅故園人
三千紅錦巧為帳
百萬黃金肯買隣
漢節陸離驚遠俗
商歌窈窕會相親
男兒躍馬橫戈志
收入詩壇更絕塵

一世淒涼友朋恨
九原涕洟歲時深
逢君苦自傳家法
顧我寧堪話此心
却喜鷄鳴藏麗句
遙看鳳閣散層陰
幾多故舊問衰悴
說似羸師不足擒

九日戲作

無高可登無節序
無菊與泛無酒樽
歸計知時凌海岳

傷心成醉迷乾坤冥冥烟雨翻愁思急急風霜若苦言
安得北人來見我會須莫出水東門

偶見司馬公休陳無已書簡感舊作絕句

卓行高文司馬陳當年簡牘拂埃塵身名暫振久青冢
見在淒涼海畔身

書事呈中令長老

憶昔中華年少壯相逢海角意何如驚人老境便如此
還解同嘗橄欖無

師云去歲大寒花木多凍死結實最遲自此三十年後始恐有之因效張

司業
體作

枕上作

年華又已暮客恨更難裁
寒鴈背潮去鐘聲隨雨來
離騷今我讀時命昔人哀
但喜歸期近寧論白髮催

有感

天邊鴻鴈會高飛
白髮婆娑敢庶幾
哭子泪乾心尚折
還山計就事仍非
交遊幾處聞捐袂
富貴何人自採薇
海角再逢殘歲雨
懶將梅葉洗征衣

書懷二絕句

老境才來便輒留
龍門勝韻去悠悠
此懷京洛愁無限
更對滄江烟雨愁

古木江亭懶不開
書空自笑興悠哉
蒼苔一徑淺深遍
知道無人向此來

疊後

病眼終朝更懶開
難論心曲每悠哉
從教苔徑無人到
日日潮聲自上來

年年至日常為客

年年至日常為客只此淒涼似古人忍傍寒江望京國
難將旅雁與心親天涯誰解觀雲物弟輩遙憐面玉宸
自料明年猶俗駕南京不到到西秦

一作東秦

無那

無那客愁翻作樂尋常閉目暫時開沉沉月向波心出
渺渺人從天際來莫道一山無積雪誰家千樹落寒梅
洛陽故舊吾憐汝愁絕終朝泥酒杯

次韻和周大書事絕句

終日寒齋咏小招故人軒檻俯谿橋可憐不得宣城郡
白日消來恨未消

無題

身世何如薦福碑浮沉聊學弄潮兒清風一日令心盡
黃卷三冬設手披夢寐無煩征錦段笑談誰敢犯湯池
周侯鳳德寧減少所謂春陽或減之

鄧掾知言再和暮春詩見視過形推獎有意論

詩報作三首

駘蕩殘春恨霞餘散綺紅遊絲能四塞落葉劇三空思
苦欲留夜愁多卻喜風叅軍真俊逸好是念文窮

君侯哦苦淡雅不愛深紅冷眼看春盡愁腸欲海空近
尋山谷體遠到建安風只恐妨高步令君似我窮

江左多才士君詩醉玉紅幾篇愁客恨九畹任春空便
欲傾家釀誰知出谷風劉楊名一代可惜義山窮

西崑
體方

盛時梨園伶人作一窮士云是李
商隱謚謚甚云近日為人偷盡

答恂閣黎乞漿

白頭破褐恂閣黎
硬白高談豈易知
卻喜乞漿如北客
從教薄相笑無奇

謝錢掾

論思獻納方自代
海舶鮪人豈識渠
長嘯清風含雪語
憐儂不解讀新書

江暮

何能浣客愁
長夏暮江頭
嵐遠疑無象
潮平似不流
須

更雲送雨蕩颺鳥隨舟明年北歸去談話未應休

江上獨坐

少時曾識京華樂老得江山懷抱開風月不談辜此夕
恨隨潮去與潮回

偶書

京華可望無高樓聞道故人多白頭此身卻似城東柳
惜別傷離不自愁

秋

長年何事不悲秋
今日天涯愁復愁
故國老槐空寂寂
半天歸鴈自悠悠
故知庾信多清淚
何事陶潛亦白頭
前日家人帶楸葉
求身強健更何求

西風

秋風幾日過秋闌
且訪畸孤海上山
為報故山都是舊
可憐留滯不知還

因誦張司業無事焚香坐
有時尋竹行之句
擬其體作

寂寞江邊舍，斜架上書焚。香一童子尋竹衆，雞雛更甚昔人懶。寧論今世疎，但慚為吏在。不得跨鯨魚。

自詠

椶籬蕉落貯秋陰，睡足蕭然學越吟。懶似嵇康初不鍛，閑於陶令更無琴。兒童亦習南朝事，風月應憐北客心。五世圖書幸相逐，鬢毛未許雪霜侵。

陸龜蒙憶嵩山詩云：如今卻習南朝。

事自煮萼
羹學取魚

江亭晚望

秋色日駸駸江亭敞宿陰殘霞沉浦口新月出波心客
恨此時薄歸懷晚歲深鄰僧數來往未肯愧南金

興盡

興盡未歸增寂寞卻嗟初興到江城春愁不逐楊花散
秋恨還同桂影生孤學敢期人晤語危檣何事日崢嶸
弟兄遊宦俱還舍朝馬驂驔禁漏清

十弟通直三弟
朝奉俱還昭德

偶作

病目書淫歇江干絕往來不才寧嫁樹有意尚移山王

府書名久南山種豆閑只應終夜氣不共鬢毛斑

又

聞道花都發狂風故作讎春心先自薄客恨更難收不
免饑寒甚永同埋殯休何須問詹尹雅意在丹丘

有感

吏隱兩非空百感塗窮浪跡亦何哉波濤遠引日華去
風雨常將月色來孤學有誰同慷慨獨愁無地重徘徊
謾談景德祥符際幾許辭源賦八哀

戲呈通叟年兄索其近詩

歸期若可數何事此時情
春色雨中盡客愁天際生
離騷煩爾傳月旦莫余評
早韭周妻厭因因不肯鳴

落花學義山

春來脉脉去輪囷滿地飛
英委玉塵荀令香殘端有意
石家錦碎更堪珍目成霄漢
星前石腸斷驪駒掌上人
我久飄零本憔悴為君今日
恨車輪

花開未幾忽已落書戲作

天涯花信誤心期狼藉殘紅只往時怪底小憐渾不睡
夜深惆悵夢周師

通叟年兄視以柳侯廟詩三首輒亦有作所謂
增來章之美也

平昔柳侯廟拾君詩興餘帝閣誰掌制天步此貞符敢
恨初沈佩惟慙再索車羅池聊自賦况復已榛蕪
何處乘駒去空庭荔子垂韓詞方走奠柳廟久徂饑既
恨謀身誤仍嗟報國曠羅池便如此不復問愚池

當世容讒賊他年柰我何文

闕

興舊學

子厚文集因晏公乃大傳

詩

價重東坡

公之詩前無賞者自東坡始之

木榭開能幾子規啼謾多羅

池碑字滅猶解徹庭莎

子厚詩云違爾澗底石徹我庭中莎

贈柳三解

莫道垂楊綰別離與春離別自依依若教兼有征人恨
只恐鴉兒不肯歸

海角那知有宮柳故園春思尚依依可憐風韻去人速
一日花開天際飛

桃李那知楊柳恨故時風雨不依依自從彭澤無人後
青眼雖開心事非

悠悠

悠悠知作更泯泯送年華勉強對殘客慙勤惜落花真
行慙不聖潮汐恨空賒卻怕梁園去家人問海涯

題明皇打毬圖

閭闔千門萬戶開三郎沈醉打毬回九齡已去韓休死
無復明朝諫疏來

從教

從教病著探葵減未放愁攻白髮添欲看落花時入戶
風高盡日不垂簾

何事

何事千憂自惘然且看節物異鄉邊鶯來昨日猶多吃
柳到今朝第幾眠上巳清明徒頽頽一日清明流觴蹴鞠豈

周旋故知白髮因渠得忍更貪愁憶往年

還諸唱和雪詩次韻作二首

蕭散人間阮始平輕盈雲外董雙成飛英識比休爭麗
連壁驩言與共明黃竹異時徒思苦幽蘭同調得心傾
何須灞岸蹇驢夜更學幽人老婢聲

胷中硯礫若為平今日相如雪賦成廣野喜逢三得白
高山真逼四邊明瑤音顧我何能和玉色煩君幾見傾
形穢由來慚獨目自憐猶識佩環聲

咋舌

咋舌何堪妄一鳴三年如夢寄江城春江細雨添清思

漸近歸期更有情

暮江

南朝勝韻此間無
醉本蘭亭強學書
人物本朝還可恨

誰傳燕老暮江圖

疑燕公必嘗點此景

自和因思國史燕穆之傳稱其知明州革輕悍
鬪爭之俗及今海潮圖作

燕公未肯祖虛無
悍俗歸仁舉國書
莫道邦人都背德
壁間猶有海潮圖

欲談

欲談無應莫吾容
悔不居身可否中
盡日小齋何所樂
芭蕉宜雨竹宜風

王順之得子寄二絕次韻報之

賓客能談少傅兒
海中仙果得生遲
自今一落人間後
即見新枝壓舊枝

茂弘不用長年悲
淮水東流本與期
一日名駒驚俗眼
奔雲老驥敢言衰

水仙

水仙踰月駐芳馨人物誰堪眼共青白傳有詩皆入律

腥鹹聲裏亦須聽

事具
白詩

春初

春初未有象幽興一何深細雨能輸酒輕風不隔琴無
煩問北信且強學南音白髮寧欺客愁來處處侵

風雪

風雪三冬北江潮二月時恠今阿那事不得作春詩

病目作近體詩五首

病目經旬作夢中只應天意欲教慵詩成願作瞎太祝
位極恥為盲老公不用千憂徒畫足何妨一笑謾書空
頗不如喜見人志好在春來六六峰

何事蘭成酷愛愁借愁為樂總宜休天涯二月無新歷
京國三年誤舊遊忽接家書迷遠近欲為客難卻沉浮
道人猶喜頻相遇話盡丹丘更虎丘

江頭未省逢春事風雨朝朝夜夜深皎潔一生餘白髮

辛勤百計只丹心不疑鄭默世能怨敢恨虞翻論所侵
明日逢人添俛首會催歸興到山林

沈沈何處有春柔目極無垠風雨秋底事須登七尺劔
要當自掖千金裘圖書空滿愧黃絹桃李縱開朝白頭
事與願違宜泯泯願違作事更悠悠

愁極猶知吾道尊尚煩幾許北堂萱善人在疾鄉評減
老物可憎天意存謾使楚囚臨澧浦難教漢使識河源
著書昔日年猶少老意今朝欲絕言

惜春

待得鶯來花已落
斷難料理謾呻吟
便如前哲亦非敵
八斗才當萬斛愁

春色

春色真無賴
羈人自慨慷
鶯能嘲客語
花解笑人忙
腰
袂休含睇
欄干枉斷腸
明當元已日
何處有流觴

贈道光

老僧講罷結茅廬
憶昔鳴琴著意餘
一曲風前三百遍

十年不作作如初

即事

自言愚似醉休道醉如愚不恥小盤食寧慙拙筆書九
原懷往泪萬里夢同途政恐能知我何妨更罵予

感舊寄上芸叟侍郎

於越茫茫羈旅久函秦落落落笑談中曲江烟月新春夢
寒食人家故國風此際一罇曾邂逅他時相見更從容
丈人筆力知强健何事書來不吐虹

寄韓君表

別離何用愁天涯塵世由來百感賒白雪恨難逢柳絮
東風悔不識梅花詩書異戶余何有將相同時君莫誇
聞道近還思卜築好來嵩少共烟霞

感舊

林梢接手百花浮昔與王孫倚小樓風物無情常自若
男兒何處不堪愁蘭成只憶江南老丞相難忘洛下游
今日天涯送春淚不堪更為種瓜侯

偶見張天貺奉議書策後題跋感舊作絕句

軒軒衆藝張天貺翰墨悲涼二絕餘今日無人知姓字
史官他日若為書

春盡

春盡天涯恨最長啼鶯不識紫游韁空驚綠葉成尖髮
何處殘英伴落妝

又

何曾有夢到瑤池但見狂風落海陂簾外飄英紛不識

誰人尚復憶辛夷

恨同

恨同枉渚頻潮汐情與游絲鬪短長垂釣蠻童緣底泣
難將心事問何郎

何遜詩云蠻童垂釣泣

二十六弟寄和江子我竹夫人詩一首愛其巧
思戲作二首

莫愁嫵媚主人盧纖質交竿巧得模綠粉敢爭紅粉麗
魚軒休比鶴軒疎女英謾對湘君泣子政徒青天祿書

夾膝得名何不韻秋來臥病竟何如

今竹夫人唐人謂之竹夾膝陸龜蒙

竹夾膝詩云最宜秋一室偏與病相當

又

寥寥故國謾玄盧

玄盧二水在孤竹國

內子可憐殊不模擬比封

君寧有實欲為節婦亦何疎且休深妬斫桃樹枉是多

愁織錦書貧士一妻常不飽更煩譏謫幾人如

阮宣武歎美桃

花妻便大妬斫去其樹出妬記

復次韻寄子我四首

柴門僅付一寒盧不內不妻深有模每與簣簣同繾綣
好來箕帚共蕭疎謝娘莫道能聯句鄭婢無煩亦讀書

前日嫵娟今不見頭槌眼白卻能如

醜婦賦曰兩眼悶如曰又曰頭如斫

米槌

何須晚嫁獨傷盧雲母無媒自納模虹斷美人情不競
兩回神女分還疎敢同孫壽巧為態頗稱江淹懶著書

歎息火籠俱麗質當年風韻本何如

范靖婦竹火籠詩徒嗟今麗質豈念

昔凌雲

當年配馬莫譙盧
今日化龍還寢模
麈尾雖長君不妬
搔頭謾短我能疎
夜寒青女難攜手
海濶麻姑肯寄書
五色筆歸空婉婉
幽篁殘夢自常如

汾陽勲業重彤盧
涼霍同封不世模
貧士豈知燕玉暖
幽眠莫共膩香疎
從容恥與石為弟
寤寐欣逢仙降書
若是雙流參六貴
錦圍繡被又焉如

次韻和韓君表懷歸見寄

旅夢何為喜別嵩
移雲當日自栽松
公孫勲業忽垂意

逋客烟霞豈不容笑語若同遊下澤雞豚亦共臥高春
莫誇有力先歸去恐愧朝蟬與暮虹

留別延慶明智

傍海嗟為客傾心欣所知烟霞威鳳老歧路斷猿悲夢
亦西方近談休南本遲

公久欲講
涅槃經

行行招隱意嵩岫解相思

余寄和冲弟竹夫人詩并寄子我六首後征其

類自貺

風流何處有崔盧委曲此君為我模草夢枕仙幽意在

燭奴燈婢故情疎偶人飄蕩泥何恨居士神通木謾書
葉可作冠聊復爾根為如意亦何如

還通叟年兄詩卷

白頭從事未拋詩無柰才何復苦饑我亦吟愁歸樂土

因君腸斷鄴中詩

每恨公不見前輩二三公故云

謝景修惠洞庭春色

洞庭春色何年賦越國王孫幾種愁今日忽親鸚鵡杓
當家餘韻落芳洲



贈童子虬蟬

拂拭方山帽安排一幅巾春秋書滿架整整莫因循

荅童

何敢愛筋力無勞戒勵重但當知諱字聞說是邪中

題畫扇

秦秦何處樂獨自託孤枝玉粒知無分清風也自戲

寄昭德兄弟

莫言無合亦何傷旅雁卑飛怯稻梁南畝荒蕪嵩少遠

卻來檝口祭勾芒

又

甬東羈旅情何託
江北蒼茫恨不收
盡夜櫓聲來枕上
猶疑身在木蘭舟

哭程伯威

程子音書歲月賒
幾年泉下始咨嗟
孤忠曾奏三千牘
絕藝寧論十四家
白髮父號無淚絕
青緇兒恨有塵遮
人生到此成何事
第二碑成亦謾誇

觀明道先生桃花菊詩作

歎息天工暫醉時
重陽物色艷陽姿
便生春思兼秋緒
當日董生宜一窺

疊前

董生今日窺園圃
幾許傷心涕泪垂
金令不行呈木怪
無端灾異樂哀為

題大年閣路逢僧圖

關深羈思滿
風斷綠陰單
一遇空門侶
那知行路難

次韻任伯再頌宗學長句

幾重墨守豈難攻歎息儒珍亦

一作林末

易窮轆轤八紘騷

閩

遠淒涼一代賦幽通喜君再戴長安日顧我頻驚沙

朔

一作沙漠

風莫恨官曹太清冷宮花時醉上林中

又和西捷

西州五帥議多攻決策曾聞利不窮今日一乘能必取
異時重譯要皆通明光喜霽甲兵雨沙磧恩搖草木風
自顧腐儒何所補騎猪難在虎狼中

赴鄜州京鄭間途中作

園林葉落丹丘遠
坂路霜寒白髮侵
不是關西將家子
也無詩思著嶽峯

頃客解梁有詩云中條山下讀周易定是前身
關子明是時頻與張芸叟侍郎通書亦嘗寄此
詩呈視今再過此郡遇芸叟之客王六東起
感懷而作

坂路十年塵塊身
不知何事往來頻
敢言上國非吾土

自許中條是故人志在韋編徒寡與人亡陸海謾多珍
龍門有客暫相值頗話當年亦苦辛

河中府追懷亡二兄及思永興十二弟

表裏山河季布州我家兄弟憶同遊芸香寂寞空青冢

二兄學士嘗守此郡

絳帳飄零欲白頭

十二弟為此郡教授

羈旅即今無好

語登臨自古有高樓頗聞酬唱西巖在闕里諸孫添我

愁

兄弟在此郡時孔毅甫提點刑獄多唱和

河中戲作絕句

人物英雄異姓王
山河生氣尚光銑
可憐只解誇佳麗
花落春空更斷腸

塗中

十年未就歸山計
一日飛為保障翁
無柰征衣中散虱
可堪行道庶人風
悠悠秦晉山河在
漠漠金張冢墓空
回首江湖二三子
路長寒夢亦匆匆

塗中寄高仲詔

飄零誰惜別不賦
送行詩獨有悲秋
客難忘上壠時素

心慚錦段清淚濕瓊枝塞馬寒來健夫君莫我思

過荆軻塚四絕句

過華踰河勢北傾何人來此葬荆卿千金匕首知安在
易水寒來尚有情

太子當年計不疎虎狼有劍斷頭顱逡巡不血荆軻手
自要輜輶費鮑魚

刺客傳中軻絕倫後來虺怯寂無人秦人更甚燕人恨
不葬燕臺留葬秦

貫日白虹可奈何書生容易笑荆軻美新黨
伍臨遺冢
慚愧絕無狐兔過
揚子雲柳子厚皆雷
同罪軻非太史公意

將至鄜州

平生心迹笑元龍今日城邊比蔡邕豈是白頭著書地
聊當涕泣自從容

初至鄜州見月

此是鄜州月人間應更無欲垂
一作無窮清夜淚桂影莫扶

疎

延安江漢堂上懷范五丈龍圖堂是五丈所建
煌煌斗柄垂南北浩浩斯人江漢堂橫吹三川星月遠
雅歌九姓暮天長頗聞病後精神好最是秋來飯食強
誰識得名因伯氏飛鴻送盡更茫茫

堂名本是亡兄無
咎於慶州所命

自延還廊懷京師親舊

羈旅無歸不自任重重白髮巧相尋扁舟前歲江湖客
匹馬今朝關塞心攬古豈無王霸畧窮途只有短長吟
故人憔悴多如此誰解多情送好音

行縣途中讀柳子厚詩

征衣窮塞暮冬時
讀盡龍城太守詩
若使生平詩盡在
濯纓無淚為君垂

直羅縣三絕句

縈回顚顚亂山阿
目眩心搖到直羅
待得羅川平直處
晚來荀令恨如何

人生不合出都城
百坂千坡異縣情
勃勃當年聖人道

如今狐兔不勝行

縣有聖人道乃赫連勃勃御路也勃勃每事必以聖稱

羌管戎歌亦鬪新
長官家勢洛陽人
相逢且覓山花好

莫話銅駝金谷春

史令君
謨洛人

送春

雨裏花開過
愁中燕到遲
一春都寂寞
不作送春詩

葉善養寺簿嘗為鄜州從事有詩送予至鄜作

寄

夫君舊遊地
京洛我盤桓
旅夢朱絃斷
荒山白髮寒
文

高驚小阮

其猶子內
翰符寶

達晚在長安
得慰相思處
瓊瑤落

手看

席上有唱歐公送劉原甫辭者次日又有唱東坡三過平山堂辭者今聯續唱之感懷作絕句
龍門不見鬢垂絲莫唱平山楊柳辭縱使前聲君忍聽
後聲惱殺木腸兒

山城聞笙簫思靈芝宮事作

笙簫婉孌落人間目極靈芝去不還猶喜遺音吾獨識
且教明月住空山

復入鄜城南門

南走京洛道羸驂到卻回只應如幕燕自有社相催
過漢武望仙宮在鄜時之西三絕句

海外求仙事渺茫卻煩鶴駕訪劉郎修門自有偷桃客
好試低眉問帝鄉

山下時時聞鳳簫山中處處得蟠桃劉郎仙去何難事
不用飛樓百尺高

黃金無限不須成欲塞河流要負薪誰識望仙宮裏事

只因蕩漾阿嬌身

用仙宮鋪壁上諸人作

香霧漫空玉作塵
五龍雙鳳細扶輪
君王不得須臾語
只有輪臺哀痛身

塗中依韻和高主簿完翁見贈長句

高乃使君之客早休

官

孤宿孤江嗟婉婉
窮冬殘夜認璿璣
乘槎邂逅關心切
舒錦綢繆到眼稀
豈有梧桐留鳳食
端愁霰雪犯狐衣

秦樓老去可應住好聽吳儂緩緩歸

再和

梁帝詩云人生行樂耳何處不連留

人生行樂留連耳何用千鍾貯寶璣主簿休官如習早

使君下榻似陳稀已看燕

闕

玉如意更

闕

雕梁金縷衣

使君家歌喉甚妙

莫道寒垣風景惡開花何處侍郎歸

又和

客子吟哦聊遣悶敢將魚目報珠璣寒來何事流水急
愁裏更堪人住稀使我難忘麋鹿性多君已棄芰荷衣

山齋永夜宜清話莫只山公倒載歸

景适生集卷六

謹案卷五第三頁前八行今朝廊時祭湫神原本
時訛時據宋史地理志改

第九頁前五行棄運披綠淨按此句疑有誤

第十一頁前七行即今白頭青眼絕原本眼訛根
今改

第十六頁前五行伸謝經略安撫待制送酒之什
原本脫酒字今增

第十九頁後二行枉費東坡歌小槽刊本槽訛糟

據李賀詩改

第二十三頁後三行司馬郎官上奏無原本馬下

衍門字今刪

卷六第二頁前三行謂斯立原本立訛工據前詩

題改

第五頁後六行高躅人難解原本躅訛觸今改

第十頁後五行芳草搖輕碧原本草訛華今改

第十七頁後八行幾許辭源賦八哀原本八訛入

據杜甫詩改

第十八頁前七行為君今日恨車輪原本車輪訛
輪中今改


第二十三頁後六行明當元巳日原本已訛幾今
改

第二十五頁後四行蠻童垂釣泣原本脫童字今
增

第三十四頁前一行相逢且覓山花好原本花好

金史四庫全書
二字倒今改

第三十五頁前三行在廊時之西原本時訛寺據
宋史地理志改



總校官庶吉士臣侍朝

校對官中書臣王鍾泰

謄錄監生臣熊灝

欽定四庫全書薈要

集部

景逸生集卷七

八

詳校官助教臣謝登雋



欽定四庫全書薈要卷一萬五千三百四十四

集部

景迂生集卷七

宋 晁以道 撰

近體詩

三川

三川窈窕山隈隩宜著狂歌老杜家辛苦寄書消息斷
想渠涕洟問京華

疎墮

疎墮何堪行役勞窮陰急景晚風高京華前歲此時雪

獨卧先廬亦寂寥

疲行

歲暮疲行役荒郊絕見聞
林寒無鳥宿山燥不歸雲
得失為生計浮沉預世紛
好懷思輟語終待潁陽君

再至直羅

百疊荒山人迹絕
饑腸寒色自徘徊
多情只有謝康樂

美酒樂歌寧再來

康樂詩云綢繆含悲殷勤登臺美酒樂歌寧肯再來

拾康樂之意再作

異時遊子不須還
舍瑟含情醉醒間
今日煩君臺上望
急揮苦淚濕千山

約結

約結無奇恨

關

開偷閑藜杖亦悠哉
曉風不讓青山遠

暮靄難禁明月來
關外關中渾浪漫
雲南雲北舊徘徊

雲南雲北
在四明山

自怜不注愍征賦
一世征衣愧不才

司空圖
詩云今

日甘為客當
年注愍征

寄隰州李九使君

隰州太守詩來好何事新詩不寄來歲暮異鄉思里社
山寒宿雪擁樽罍數莖白髮何堪照一寸丹心未肯灰
唯有早歸冀穎計暮酌朝唱不論才

次韻和隰州李九使君見寄絕句

邂逅宮花春寂寂相思塞草暮離離休信李廣未封印
喜得清香賦小詩

我屋

窈窕吾山好欄干我屋宜胡然名未著不得謝公詩

累夜讀武經總要慨然思陳叔易寄子嵩陽讀
水經之句因用其韻作寄叔易此公相與唱
和最多於此詩則每誦之

蝶笑蜂鬚飛有聲梅嫌柳眼衆人青今朝消息君知否
荒塞寒燈讀武經

風送黃河水底聲三川半死誤丹青何人告與君消息
枉是磨鉛勘水經

蓬萊學士有家聲易退難忘舊殺青萬闕饒君相似處

此生不讀膳夫經

歲暮思劉壯輿近在京師因壯輿言溫公勸劉
丈合魏宋等志有意合正史之志而離析李
延壽之紀傳顧老罷不能聊見于篇末

迢迢使我旅懷悲促促思君歲暮時江上梅花今在落
鄜州月魄屢圓虧著書有底心過苦行路無端山更危
誰解合離南北史吾曹白髮恐難期

四明歲晚水仙花盛開今在鄜州輒思之此花

清香異常婦人戴之可留之日為多

前年海角今天涯有恨無愁閑嘆嗟枉是涼州女端正
一生不識水仙花

途中遇雪二絕句

征裘不是謝莊衣何事輕英故故飛應是多情要新句

敢酬瓊藻觸寒威

謝莊詩云疊雪翻瓊藻

慘淡修途問若何璇蕤瓊藻未須多使君此夕應難醉
紅玉看人子夜歌

途中對雪

殘歲初霽慰所思征衣坂路固無奇漫知謝女能聯句

安得顏兒與賦詩

顏延之與羣從賦詩測年十三竣年十五

嵩嶽夢中宜寂寂雕山眼底尚遲遲明年花發應如許
坐看遊蜂憶此時

鄧聖求作端明時嘗贈予詩云妙論出六合微
言破九流其言雖過矣要是前輩中有相知
者逮今將三十年奔走鄜州諸邑察視保甲

感舊作長句

白頭關塞走匆匆曾玷山公啟事中
妙論微言思落日荒山窮谷夢悲風
八哀欲賦嗟無語三徑宜歸恨未容
卻擬掃除西域去預羞麟閣畫邊功

村館寒夜忽忽不樂學古樂府當句對

將此愁來同彼恨肯饒庾信讓江淹
雪翻愁緒風牽怨月戀山空人倚簾
昨夜夢垂今日淚一機素勝十端縑
無煩言話誰能聽小叔狂來阿母嚴

寄恂公

南屏不可見歲晚得恂公辯笑潮難久閑嫌雲住空誰
家紉落月獨起汲寒鍾八十歲除夜寧知塞漠風

寄杲公

杲公消息太茫然六尺堂堂只眼前斗極新春年八十
烟霄故國路三千每慚鑒薄朝多語待學情亡夜不眠
此世難期再相見試容抒思序真筌

杲公有金剛經
解予欲為之序

聞胡少汲再入省

南宮妙極天下選
雞舌喜君重得香
既自能詩似前輩
何為不作水曹郎

聞喝馬惻然感歎且恨其辭鄙惡特甚作此詩
從賀方回求數解

一世危腸賦愍征
江城夢斷到邊城
晚風不送採蓮曲
落日唯聞喝馬聲
長似竹枝愁遠客
重于隴水惱無情
爰求樂錄十三解
賀老當今最得名

予告客不能飲酒嘗使賓主俱勞客言有二事

便可痛飲謂對花對佳人予病眼難看花從
照律師授四分律遠婦人作絕句謝客

眼病身持四分律流芳巧笑兩如何從教酩酊非吾事
免得醒來恨更多

談易寄壯輿

拂拭塵埃藝靡它象中繫外得婆娑何人爲我易弟子
淚落一朝翻九河

三川直羅之間作

饒鬚羌鼻似羌渾人在山頭羊在門欲把流霞來飲汝
未甘便喚作曾孫

排悶

廊時來為吏多愁尚喜論山川分漢郡人物客羌村

老杜

詩有羌村宮廢人仙在天清貳負昏

山海經貳負之嵒在此

莫言無妙

麗土稚動金門

贈雷僧

蓬頭冰齒獨徘徊五百年前人姓雷

東晉雷處士

為問羅川

何處好笑言京洛總看來

東奔西走肯徘徊言語相殘聽鼻雷未料此生終作底
可知不為學詩來

留官莫去且徘徊官有白茶十二雷便覺羅川風景好

為渠明日更重來

子點四明茶云直羅有此茶否荅云
官人來則直羅有十二雷是四明茶

名

鄜州人語間有似河朔人處予獨知其然蓋此

本魏之上郡魏人以歸秦之三年秦遂稱王

而不樂為秦民之故其音猶魏也作絕句

魏郡歸秦秦遂王音猶故魏恨難忘誰知我本魏郡士
比汝獨思田子方

木末

木末僕危不可呼水濱詩客昔何如若非此老曾行處
淚漲三川恨有餘

承議郎王東起挽辭二首

三十年來夢王郎歌愴情桂亭看躍馬蒿里望銘旌廢

相存亡託孤兒內外并休論書數萬色色負平生

君之妻呂

丞相孫女也妻母養在君家丞相之子亡近立一孫方數歲丞相有書萬卷君悉主之

洛下書生譽秦川公子豪飄零諸老恨骭體此生勞病

臥分丹劑魂遊問室臯當時蠻紙在絮酒共蕭騷

君受子四

明所作粉紙未及寄問乃以為莫

題弟子問

人物昭陵一代傾墨莊夫子著書成我生既晚復何恨

解叩青霜鐘大鳴

憶四明上元

翡翠隨潮月琉璃共佛燈沉香聞遠遠珠樹間層層

憶京師上元

艷艷燈欺月英英人勝燈紅綿開四照金鳳起千層

去年

皇城北面樓殿初成羅列珠玉燈以紅綿代絳紗

鄜州上元

酷愛鄜州月真分紫府燈

郡有望仙宮

月收烟蕩漾燈施石

稜層

次韵十二弟所寄

莫問西臨統萬城書籤月色落南榮遠天鴈初去聲驚幽

夢近體詩來慰老情籌筆陣寒徒許國題鞭句險政傷

生敢尋五世蓬萊路異姓王孫尚避名

思忠使君乃高韓王諸孫也亦

有就閑之意

題新泉

舍北洗山如有待舍南泉發本無期羈愁盡落清音裏
不用騫公讀楚辭

東溪歸作

忽忽尋春恨已遲
山城渾未有花枝
東風馬上哦新句
却似盧巖緱嶺時

從高守乞石筍

竹萌何處在石筍
眼中青乞取分幽徑
難忘玉筍筵

書劉仲更春秋災異後

志苦言危凜雪霜
何人敢喚作劉郎
休論瑞應誇圖牒
羞死當年顧野王

山頭對花

欲脫羈愁暫媾春花先木末傲難親無才與作山居賦
遮莫山花處處新

老欲留春不用忙却愁花發送春光山頭紅綻難為媾
年少才高憶謝莊

枕上

人間百感未能休欲語無情謾九州樓上角聲山上月
共人割據一端愁

三日

只將三日為元已
準擬流觴不誤期
慙愧魏人風味好
無窮花蝶謾相思

十二弟寄詩一編來用其山字韵作

季詩來灞上秀色藹雕山
獨笑寒暄外相逢翰墨間
花飛能擁路月入不開關
巧解供新句吾才愧晉慳

三月十一日大閱作三絕句

儒服未曾看樂戰鐵衣且自戲
清時春風莫道晚無力

解直天王百尺旗

風旗且好岡頭看汗馬休論塞外期前日將軍劉越石
功名不及一篇詩

縣官未肯斬西戎誰信鄜州第一功馬似雲顏青壁上
人如猿放曉林中

梨花

春到梨花意更長好將素質殿紅芳若為寄與江南客
枉是楊梅憶庾郎

暮春

春光好攪去如驚樂事能追不得行
禊事已觴王內史
披香只賦庾蘭成
敢嫌塞柳渾無意
尚喜山花自有名
嵩少未歸無著處
此身曾亦是諸生

春晚感懷

春來誰挽去難援
中有悲驩萬古痕
飛絮無家凌紫極
落英不聘恨黃昏
半塗未肯擊鳴缶
百感何因招此魂
海內一經連海外
欲搜怪物且重緇

總管劉觀察相餞于高巖經句楊朝奉出所和
詩即席再賦

花開為客向金城待得無花羸馬行柳蔭高巖開祖帳
月搖洛水話離情將軍精悍千山聳賓客風流一笛橫
更愧新昌孫子在詩成白眼得清明

席上別諸公

西城別袂望東城勇發征車却怯行朋去肯去聲前金
闕恨胡盧歌裏玉闌情鶯啼有意因風斷山影無垠為

月橫人世分攜吾可那千鍾不醉在天明

塗中寄城中諸公

孤飛弱羽真難可作底徘徊去住間柳影生風歸曲渚
雷聲送雨過前山庾郎有待復何待白傳求閑而得閑
回首玳筵醒醉伴曾將幽憤唱陽關

自咸陽回道中作

未駕羸驂返故鄉且尋掘筆傍書窻莫謫流汗野豬嶺
絕勝傷心朱雀航

多謝芳罇與獻酬只將萬斛醉吾愁春花來作人間夢
夢到鴉啼不得留

延州紅勝洛州花打剥工夫阿那家我亦勞心添病骨
悔將黃卷負年華

從經畧安撫侍郎叔乞松膠

春來玉帳閑無事自料穿松壓酒糟即恐金罇未相稱
山房乞取伴離騷

牡丹

牡丹千葉千枝並不似荒涼在塞垣宜聖殿前知幾許

感時腸斷侍臣孫

祥符中宜聖殿燕千葉牡丹有十數枝宰臣戴馬文元公時為承旨特預

賜

靜夜

此身飄蕩久靜夜得幽情月色隨窻盡泉聲到枕輕
老夫讀易稚子莫談兵似說歸期近嵩陽學自耕

浮甘亭上

浮甘亭上拂征衣欲起羈愁却自非鶯去青陰猶轉響

月來碧障有餘輝三英何處同行樂百醜無堪獨息機
好濯纓塵惜蘋藻從教塵土半天飛

謝魏宰惠芍藥

敢期芍藥邊城見本是人間第一流我有無窮羈旅恨
為花今日到揚州

在邊

在邊有底適予懷舒慘無時亦異哉醉到月前如失去
愁從騷裏却招來素心偶向三花盡孤憤難教貳負催

好覓羌村殘夜燭待將何語與徘徊

嵩山三花見李白詩而此花近不復

有在者乃于廊
時中山見之

次韵和完翁謝墨二絕句

池水澄輝散曉烟定無墨色使君傳幾螺付與能詩客
免得書空重惘然

寸寸燒松計已迂更憐百步扇垂珠幾年費盡坐曹手
千卷書生又却無

聞角

邊城百感謾興嗟將底令人警歲華多謝何郎有新句
誰聞夜夜小梅花

迎客道中

忽忽中夜轡候館若為容山轉時藏月河分不割風憑
誰能食夢總自解書空省內吾難倚詩書更使慵

何進兄弟

倚省內
以富貴

九日

日日無堪只歎嗟誰教九日事豪華寂寥難落方山帽

爛熳先開野菊花
聞道鷓鴣趨鎬燕
忍將鴻雁聽邊笳
古來感慨今朝甚
苦雨淒風助我賒

是日秋燕

贈鄜州田玘

前世能歌田順郎
今身追悔太昌昌
戲泥巧盡羣兒態
休憶小姑初倚牀

次韻任伯塗中見寄

命駕關東千里餘
拂衣前去未勤渠
自憐病客料秦虎
共學騷人憶郢閭
賦就句奇輕惡道

潘尼有惡道賦

詩成意遠

欲閑居此生辛苦君能識不向他人道看書

白頭青簡負三餘得喪窮通不問渠但恐風霜侵爾稼
敢期盜賊避吾閤秋蟬冬蝶空離恨渭水秦山政索居
何日合離南北史倩君成就一家書

古人名壻曰倩倩
近乃妄以為笑倩

感事詩寄韓侍郎

去年過却京城裏今日無煩嘆白頭且喜歸來收客夢
何妨無酒破春愁細教科樹鳥聲樂遠使疏泉山影浮
晚得花開逢歲閏可容結侶到丹丘

贈韓侍郎

僕射陂頭鷺宿秋使君行色曉雲浮幾章乞得閑歸去
平日將何事絆留久幸沃心舒讜議暫堪俯首貶忠謀
黃金帶念多人有烏角巾憐不自休談笑弟兄從此樂
杯盤賓客莫言愁慙予本是山中士可復魂勞隴上舟

偶題

丁酉

一室蕭然懶傍書角巾孤嘯問何如夕陽能使山遠近
秋色巧隨人慘舒苔漬碧花行不到香殘篆字睡應餘

自憐得計歸云晚前日人間謾畏塗

和季弟秋日即事

戊戌

五世衣冠盛本朝寧論妻織與兒樵
顧予始就山居樂未放詩書便次寥

寄謝任伯察院

終日小園何所為忘言不讀國風詩
閑來却覺呻吟好老去仍知疾病宜
月在鄜州能到此人遊梁苑誤行期
徒憐宋玉無秋思既識清高又可悲

初至京作

七年去國今還歸，僅有身存心事微。
下客但能循故事，高門誰許著褒衣。
難將白髮語年少，忍使紅塵負釣磯。
不辭征驂却歸去，策雖非是亦非非。

以扇求馮元禮覲畫山水

高人能畫山中趣，涼吹曉從天際來。
移盡此情紈扇上，人間何處有塵埃。

趣景升太尉畫孫登像

契濶王孫魂夢勞京華一日重遊遨圖書不惜黃金費
歌舞何妨簫珮高月到南樓臥吹笛花殘曲几醉揮毫
如何愛著須臾懶不使蘓門對楚騷

留題景升北窻

南樓吹笛何人怨北窻垂楊永日閑何用綠楊高百尺
詩情筆趣總相關

夏祭日感事

盛典千年出寶圖佩環方澤影縈紆中天月護黃琮色

出海雲騰赤帝符已慣龜鼉呈上瑞

前賀赤鼉之祥

不驚風雨

解前驅

前一夕大風雨

侍臣自有揚雄賦擊壤何妨此鄙夫

謝曾迪功松皮冠

松皮冠贈松山客慚愧紅塵赤日中好向浮雲傍歸路
定應賸聽入琴風

次韵和張次應龍圖松皮冠子

儒冠何事貴松皮一歲寒來特自奇髮盡玄霜相稱得
歌酌白雪即非宜

代馮元禮次韵辭張次應畫山水扇

女鸞寶扇謾稱工

闕

識嵐漪縹杳蹤何事晚來慵落筆

為嗔不說妙高峰

代馮元禮次韵送畫山水扇與張次應

五日十日豈為工萬壑千巖自絕蹤在握已能霄漢上
更須羣玉占前峰

次韵和大理吳子偉寺丞久留滯絕句

之子婆娑幾許年衆人遷後獨稀遷即今便上青雲上

已愧開爐白日仙

再和

官共狐裘三十年紛紛南北笑鶯遷未施雲外射鵬手
且作山中騎虎仙

京居五更聞鐘

慣聽山頭五夜鐘忽驚孤枕景陽風明朝樂事知何限
定自無人拜德公

七月五日立秋

故廬歸客不勝愁可是人間晚立秋
收潦水清如可待
無窮蛭螾看沉浮

病臥聞韓公表雨中出謁

綠陰飛雨作秋容
衰病呻吟高枕中
何事公孫健騎馬
黃金帶客好相從

韓二十七詩來云已束歸鞍逐去鴻
令人欣喜
愧嘆輒次韵和

此身重滯愧征鴻
况對庭前郢樹風
暫至京師便歸去

敢期今日有黃公

黃叔度暫至京師而還

即事謝公表二絕句

碧嵩青潁肯相從
萬事茅堂醉夢中
出到人前羞欲死
歸輪不必問何從

留君談笑且從容
白髮紅塵阿那中
踉蹌行藏莫相笑
枯魚垂淚恨無從

即事謝子之二絕句

何妨少日不能容
詎玷山公啟事中
庭下秋風收不得

欲彫瓊樹未聽從

悅已曾增巧笑容舞鸞歸歇鑑花中人間遇樂便作樂
何用行軍問所從

送韓七十赴澶淵舊任所為士掾

不樂予何堪非關未策勲秋燈逢積雨客淚送離羣身
事千年鶴心期萬里雲煩君經廢廟嗚咽當家文

澶淵舊廟

碑是高祖文
元公奉勅撰

選部中作

白髮來遊宦山公不我聞邪猶在中等

予二十一年時應詔上書蒙置

邪中等近恩除落而部中尚要聲載

政不占微分

近制以分數為選法多者至七八百分予乃無

分一孤淚滄溟感微言上帝勲何妨貧且賤嵩嶺有高雲

明仲約七月晦集屬抱病先以此見意猶并以

申謝

秋日在長安多悲對極歡栗疎肥木落茨菰瘠池寒居
室清罇健羈人白石殫慚君過繾綣扶病強盤桓

送邢子強還洛

行樂洛陽為第一暫勞使節特還家橋頭鋪遍中秋月
樓上吹殘九日花誰聽高談擒虎豹且容濁酒傲烟霞
從君一笑知無分短髮長途倍歎嗟

送李先之歸南

夫子聲名大淒涼三十年晚交彌好易夙志自覃玄泰
華冰霜潔江湖鴻雁邊別期不相假吾道信茫然

再送先之

君家父子真國器棄逐那知上苑春嵐障城中猶自樂

浦珍市裏本來貧，曾憐濁俗排閭閻。
暫屈清江縱羽鱗，我老相逢便相別。
劇談易象亦何因，先之自廣南知縣
歸復往江南清江

縣一見從
子談易

三送先之

相逢無酒恨如酣，九易三玄俱不談。
秋雨迢迢催客別，別情雨色已江南。

京居秋感五絕句

快雨薄寒一夕間，胡為百役自間關。
秋懷更讀甘陵賦，

始信人人庾子山

雨助風聲燕欲歸誰教我尚著征衣自憐未讀愍征賦
霜雪鬢間猶庶幾

隨牒求官秋緒多自甘老罷樂婆娑枕邊風雨五更夢
聲在長衢朝馬過

江上高人未肯來京華秋鬢獨徘徊饒渠看取潮頭月

莫戀林香待放梅

招楊中立

河湑依棹得風期秦樹湘雲枉夢思也好歸來君富貴

未容言語我傷悲

招徐思川

即事

幾歲田園得隱淪
忍將秋淚濕紅塵
一麾不得廬山去
何用他州寄此身

歸到

歸到故廬同逆旅
人生本自怕牢愁
雨聲豈有京華態
羈思仍多澧浦秋
久禁令人類疾病
新聞向汝重咿憂
顧無道義論輕重
何處王公門可遊

乞酒

積雨深秋與恨翻
悠悠何力勝朝昏
久同下里饒詩句
乍學高人傍酒樽
徑醉便知容傲世
狂吟更覺解招魂
頗憐陶令徒全美
只肯丁寧乞食言

辟穀

辟穀終無術
求田早自慵
病能添旅思
雨善起秋容
本色官猶阻
非時好孰從
封侯如可覓
要自愧長公
依韵和邵太子文兄八月總章朝歸長句

東皇受籙增嘉運曉坐明堂夜拜章玉燭千年承瑞露
金龍萬國鎮青霜風來紫極簫聲靜人在丹臺珮影涼
與子飄零逢盛旦獨無藻思頌瑤光

八月十五戲作

稱意中秋月滿樓只嫌歌扇過雲浮不如風雨連天起
要得伊人也解愁

聞三十六丈乞西京留臺輒成長句時先之七
兄已拜北京留臺

門第何人論甲乙碧梧丹鳳重徘徊前時五相繼三相
此日西臺望北臺器業雲霄能有功名鐘鼎待時來
重言四海宮師德季子白頭誰識哉

伏蒙三十六丈大夫寵視長句輒次韵和

千仞愁城託寸陰可堪疾病更頻侵烟霞舊友能相遇
鷗鷺前盟不待尋羹飯東西慚白髮功勲遠邇負丹心
兩家曾祖康定中同在廟
堂堅成西鄙罷兵之議
明朝重九無高處約訪高人

支道林

實約于九
日訪僧

德麟留詩相別輒次韵賀送

安穩王孫一葉舟
竭來京國淡無求
任生白髮曾料虎
分絕紅塵自狎鷗
桓笛不堪留往恨
膺門誰復憶同遊
重陽無酒仍分袂
雨作黃花淚未休

德麟夜相過用前韵作

王孫未放木蘭舟
憶別親知與訪求
軟語斗牛迷後雁
傷心波浪笑浮鷗
燈前有喜新佳句
泉下無慚舊俊遊
潁尾可居隣可卜
白蘋紅蓼共君休

九日宴李德充中大家次韓三十六丈韵作

重陽風雨每淒淒物色今年得所期
賜第好賢多驥子

三山酌酒過鵝兒

德充用三山
罇極奇妙

紅樓尚想吹簫夕
碧樹

今誇出日枝

李氏園池甲于京
師今屬宮苑所

我與韓公殊輩行
門闌

感舊淚俱垂

九日陪韓三十六丈大夫集李德充家再蒙賦

詩相似謹次韵扳和

丈人邂逅共悲淒九日芳樽敢有期
感慨既能追壯士

懽欣復自學羣兒菊增紫葉侵黃葉莫憤南枝勝北枝

北州之茱
莫極衰

蕭史高樓幸登眺但慚清唱手空垂

李德充再賦九日期字韵詩輒亦復作

多才公子莫淒淒九日不譙風雨期清酒玉腴浮杯底

黃花金盞粲鈴兒

菊之尤者有
金鈴萬鈴

百年歌吹驂鸞地萬里

旌幢鳴鳳枝

李家一門
節鉞相望

前後楊劉是賓客聲名孰敢與

爭垂

楊文公劉中山歐
陽文忠劉侍讀

重蒙三十六丈大夫德充中大賦九日詩期字

韵詩輒復以致謝遂及閣筆之域

平陽樓上重陽日周覽悲歡孰與期盛德不應無隱者
大豪寧復有屠兒未舒驚驚青天翼難識珊瑚碧海枝
莫擬吹花多繼筆羸兵易血索仍垂

即事呈德麟

學得浮雲往復還里中不出孰追攀九秋自與物情樂
一日須教我輩閑敢料都城有詩句故應魂夢在山間
今朝車上瓶無分更可憐哉我阻艱

次韵和德麟過希道作

笠澤人閑書已叢分甘寂寞與誰同故人相遇白頭日

往事獨悲黃葉風去國貴游驚灞岸

希道初
外補

浮家公子

樂湘中

德麟不
厭速官

此情繾綣思朝夕百仞寒巖飲水虹

思歸

忽有故國夢秋冬恨不勝菊難月掩映海耐雪馮陵客
鬪南唐墨僧禪後夜燈如何不歸去京國覺騰騰

感事

人物今朝何寂寞我思前輩太崢嶸
仙才難測趙周翰

俗眼聊窺石曼卿

趙公詩多
仙家語

鸞鳳騰輝何處在珪璋振德是人斯
怪來高論空無驗

可是歧公作宰司

王荆公在嘉祐間言人才雖乏不曾
教王禹玉作宰相至熙寧中公乃薦

王代作
相馬

早於城北迎御馬

天街未見瞳矐日御馬來朝駮駮宮
不許暫時超倒暴
欲將何事驗真龍

十月七日夜夢中作兩長句覺而忘之別成長

句視李民師

冬來羈旅更迢迢撫枕燈殘百感饒
饑鼠翻空疑有鬼驚鳥誤曉尚中宵
詩成與夢俱零落劍出低眉亦寂寥
無分京華居老境江湖高隱幸相招

高陽王蠟冠遇一書生蹙眉出劇舞

中空

慙愧

神邑凡才日抗塵早年聞道晚因循
腦能充溢無華髮

心得休閒不老身種種已慙為客子悠悠更愧作官人
吾言可復終歸去何處桃源可問津

偶見夏英公與文莊公書云秋序始涼師門尚
遠又一書云念其出自師門賜一善地輒成
絕句

前輩終身知學植今人得意諱師門如新幾帖英公字
可但無家禮數尊

天寧節後二日集英賜燕輒成長句

誕彌陽月播陽春萬壽杯餘燕豆申殿角垂虹天意喜

今集英殿新修增高二文

壁緹交鳳日華新

殿上及兩廊綴壁皆新繡龍鳳極華麗

星

迴畢雨金沙淨

累日雨至天寧節後遂晴

書癸狄封玉甌陳

契丹國賀生辰

使獻其國中所有寶玉器三十餘件

何事昇平樓寂寞要將良嶽共璘珣

昇平樓舊號最高今裁出集英東廊之上文餘或者要妄意將營繕云

寄李輔之

嫁樹栽花待上元一燈明焰照山樊香爐峰下烟霞客

此夜皇州亦掩門

布裘菜飯久忘言
糲食粗衣過上元
怪底狂風迷四野
榮光自滿濯龍門

庚子至前二日韓德全李師民相繼而至聊書
一時之事

先後客無約寒窻注夕陽縱談香柏子
孤興飲松黃不
道仇池遠唯迎至日長於焉豈易得回首即他鄉

對雪

念昔幽居久幽懷劇歲殘茅亭因雪過沙渚與鷗寒暫

喜涼塵息將愁秦樹單六花如結子孤客鬢邊看

次韵江子我見戲長句

江家宅在多文史兄弟論文詎我遺長逝不來荒馬鬣
後生亦老倦車帷契成自賣寧無恨詩到相嘲雅見知
山水尚憐天付與暮年漂泊尚仇池

對雪懷淮安郡王郊居

六出花開郊野興王居不數沈休文洞房窈窕玉簫遠
綺席徘徊瓊檮醺大藥定應須火候佳人可復悞行雲

王有侍姬
在宮中

自憐收拾征衣客白眼寒空送雁羣

對親舊

歲暮征裘返故園愀然去國亦難論獨尋碧草日三徑

誰在紅蓮夜五門

近歲上元燈
山有五門

久分雲霄能割席乍驚

縵縷有離尊即看短髮邊城去風雨仇池役夢魂

出京感事

晚歲長途俱寂寞傷今懷古總飄零韓彭豈是無三窟
管葛元非守一經白髮任渠從此出朱絃于世許誰聽

猶憐去國恨能釋已見燈龍出北溟

出見京華之盛而作

飄零羈客尚魂驚乍見王居白玉城三市盡迷

一作新

南

北嚮八駒爭禁

一作耀

短長行花移陸海春常在樓接神

山月不傾安得白頭居此樂關河垂淚復孤征

過洛陽贈親舊

古來無奈洛陽城興屬今朝誰與親河岳新秋初過雁
園林曉月遠行人波聲有喜咸通汴雲影相隨直到秦

白筍紫薑勤故舊公孫出仕獨堪嗔

過陝州贈蘓儀掾仲滋

老去情懷誰與謀
壞壁無蛩更愁秋
收覽雨聲來枕上
飛揚馬鬣在岡頭
樂城孫子何來此
華國文章肯漫休
邂逅關山論家世
更期信息在西州

又

河擁秋聲客恨新
誰能出語共輪囷
信知五采生丹穴
不許文章屬外人

題長安趙氏園

長安池館鬱崢嶸此地偏多客子情
秋晚寒藤侵石瘦夜深熟果落池驚
後生解識南山趣先德元高戎夏聲
感事暫來添白髮南山曾見漢公卿

鹿鳴席上送諸先輩詩

周室賓興綺席陳漢家勸駕禮還申
鶯遷同谷烟霞喜鯉化瓊林雨露新
日御駸駸須六轡

席上六人

奎文燈燈自

三秦先應沉醉換春色病守狂吟已覺春

即事戲作五言

何處寂寥好山城太守家輕紫_平木竹筍大裹白朱砂
君與旱蓮比實非火候賒一官還此是百務莫淫哇
何處寂寥好山城太守官龍鍾五品服豹變一還丹舊
恐三杯竭新添兩角寒只應歸去是無責有餘驩

謹次知府經畧待制韵

制勝奇兵不下堂鉛刀何當齒干將肯誇舞暖嬌回雪
只念琴寒乞履霜此日秦郊黃髮老當年漢殿綠衣郎

徘徊四十年來事險阻艱難間備嘗

郡齋戲句

烏髭四皓應無術沉醉三閭豈有方將此衰殘齋戒裏
郡人應笑使君狂

一夫肆力能排闥萬旅無謀謾仰關成敗是非今有底
忍將鞭撲作威顏

雪中獵戶來呈虎月下田夫走獻麋諱道山成應不得
關東誰肯有書題

斗升白米能供酒，暝目紅裙難聽歌。為謝

閩

州王內翰

莫言官職也蹉跎

王元之詩官職蹉跎猶上疏

蕭條吏散如堪適，瀟灑詩成亦可娛。王謝異時同惠我，
只慚筆力不能俱。

雜號將軍人所薄，東宮贊善自曾朝。如何今日余為守，
黃獨白床誇大庖。

朝困十催何敢飽，暮虞百罰更生寒。雞山小石鳳山柳，
移植庭前少自寬。

笑

笑樂真情豈可無樂而不笑是何拘日中無事逢棋局
春後有花兼酒壺輕俠兒前撫手掌滑稽傳後撫髭鬚
江南陸后還安否乞與筇枝使自扶

次韵郭帥和楊使者張茶馬溪莊詩

溪莊吟興浩如神不似逢時富貴身雲外黃羊眠竹影
月中赤鯉戲河濱揚雄奇字情宜密張令清談分自親
願我婆娑徒悵望柴車霜雪未堪巾

才氣雄豪夙會神暫勞旌旆遠勞身使華燦爛高秦嶺
筆陣縱橫落渭濱音出瓊瑤疲諷誦韜輕虎豹貴和親
何妨戲作蜂腰句要看時宜折上巾

奉楊公近蒙荅四六狀極為精麗

博物張公適聖神經營佐國不謀身一槍採擷朝林下
八駿遨遊暮海濱詩就秦川寧獨樂政成周道要相親
敗軍汗蠟誰哀念敢謂勤渠問解巾

景适生集卷七